

臺灣 中山大學中文系研究員

簡錦松 財團法人古典詩學文教基金會董事長

資治通鑑

3950-3961

<http://www.see.org.tw>

2021年1月13日於古典詩學會館

夜班19:30起

高雄市前金區中華四路282號2樓，0911611399

王玄謨攻滑臺之後

- ❖ 蕭斌遣沈慶之將五千人救玄謨，慶之曰：「玄謨士眾疲老，寇虜已逼，得數萬人乃可進，小軍輕往，無益也。」斌固遣之。會玄謨遁還，斌將斬之，慶之固諫曰：「佛狸威震天下，控弦百萬，豈玄謨所能當！且殺戰將以自弱，非良計也。」斌乃止。
- ❖ 斌欲固守碣磳，慶之曰：「今青、冀虛弱，而坐守窮城，若虜眾東過，清東非國家有也，碣磳孤絕，復作朱脩之滑臺耳。」會詔使至，不聽斌等退師。斌復召諸將議之，並謂宜留，慶之曰：「闔外之事，將軍得以專之。詔從遠來，不知事勢。節下有一范增不能用，引漢高帝之言。空議何施！」斌及坐者並笑曰：「沈公乃更學問！」慶之厲聲曰：「眾人雖知古今，不如下官耳學也。」斌乃使王玄謨戍碣磳，申坦、垣護之據清口，自帥諸軍還歷城。



王玄謨滑臺敗後，蕭斌退守歷城。

柳元景攻關、陝

- ❖ 閏月（閏十月），龐法起等諸軍入盧氏，斬縣令李封，以趙難為盧氏令，使帥其眾為鄉導。
- ❖ 柳元景自百丈崖從諸軍於盧氏。
- ❖ 法起等進攻弘農，辛未，拔之，擒魏弘農太守李初古拔。薛安都留屯弘農；丙戌，龐法起進向潼關。
- ❖ 雍州刺史隨王誕遣中兵參軍柳元景、振威將軍尹顯祖、奮武將軍曾方平，建武將軍薛安都、略陽太守龐法起將兵出弘農。後軍外兵參軍龐季明，年七十餘，自以關中豪右，請入長安招合夷、夏，誕許之；乃自貲谷入盧氏，盧氏民趙難納之。應之者甚眾，安都等因之，自熊耳山出；元景引兵繼進。




龐法起等諸軍入盧氏，下弘農，攻潼關

魏主至鄒嶧山

- ❖ 魏主命諸將分道並進：永昌王仁自洛陽趨壽陽，尚書長孫真趣馬頭，楚王建趣鍾離，高涼王那自青州趣下邳，魏主自東平趣鄒山。
- ❖ 十一月，辛卯（5日，1885778），魏主至鄒山，魯郡太守崔邪利為魏所擒。魏主見秦始皇石刻，使人排而仆之，以太牢祠孔子。
- ❖ 楚王建自清西進，屯蕭城；步尼公自清東進，屯留城。
- ❖ 武陵王駿遣參軍馬文恭將兵向蕭城，江夏王義恭遣軍主嵇玄敬將兵向留城。文恭為魏所敗。步尼公遇玄敬，引兵趣苞橋，欲渡清西；沛縣民燒苞橋，夜於林中擊鼓，魏以為宋兵大至，爭渡苞水，又東逕沛縣故城南。溺死者殆半。

《魏書》冬十月癸亥（閏十月7日），車駕止枋頭。詔殿中尚書長孫真率騎五千自石濟渡，備玄謨遁走。乙丑（9日），車駕濟河。按：石濟在滑臺附近。



❖ 南平王鑠守壽陽

江夏王義恭、武陵王駿守彭城

薛安都

- ❖ 詔以柳元景為弘農太守。元景使薛安都、尹顯祖先引兵就龐法起等於陝，元景於後督租。陝城險固，諸軍攻之不拔。
- ❖ 魏洛州刺史張是連提帥眾二萬度嶠救陝。
- ❖ 安都等與戰於城南。魏人縱突騎，諸軍不能敵；安都怒，脫兜鍪，解鎧，唯著絳納、兩當衫，馬亦去具裝，瞋目橫矛，單騎突陳，所向無前，魏人夾射不能中。如是數四，殺傷不可勝數。會日暮，別將魯元保引兵自函谷關至，魏兵乃退。
- ❖ 元景遣軍副柳元怙將步騎二千救安都等，夜至，魏人不之知。明日，安都等陳於城西南。曾方平謂安都曰：「今勅敵在前，堅城在後，是吾取死之日。卿若不進，我當斬卿；我若不進，卿當斬我也！」安都曰：「善，卿言是也！」遂合戰。元怙引兵自南門鼓譟直出，旌旗甚盛，魏眾驚駭。安都挺身奮擊，流血凝肘，矛折，易之更入，諸軍齊奮。自旦至日昃，魏眾大潰，斬張是連提及將卒三千餘級，其餘赴河墜死者甚眾，生降二千餘人。

柳元景克陝城至潼關，引兵退歸襄陽

- ❖ 明日，元景至，讓降者曰：「汝輩本中國民，今為虜盡力，力屈乃降，何也？」皆曰：「虜驅民使戰，後出者滅族，以騎蹙步，未戰先死，此將軍所親見也。」諸將欲盡殺之，元景曰：「今王旗北指，當使仁聲先路。」盡釋而遣之，皆稱萬歲而去。甲午，（11月8日，1885781）克陝城。
- ❖ 龐法起等進攻潼關，魏戍主婁須棄城走，法起等據之。關中豪桀所在蠶起，及四山羌、胡皆來送款。
- ❖ 上以王玄謨敗退，魏兵深入，柳元景等不宜獨進，皆召還。元景使薛安都斷後，引兵歸襄陽。詔以元景為襄陽太守。

魏永昌王殺劉康祖

- ❖ 魏永昌王仁攻懸瓠、項城，拔之。帝恐魏兵至壽陽，召劉康祖使還。癸卯，仁將八萬騎追及康祖於尉武。康祖有眾八千人，軍副胡盛之欲依山險間行取至。
- ❖ 康祖怒曰：「臨河求敵，遂無所見；幸其自送，柰何避之！」乃結車營而進，下令軍中曰：「顧望者斬首，轉步者斬足！」魏人四面攻之，將士皆殊死戰。自旦至晡，殺魏兵萬餘人，流血沒踝，意氣彌厲。
- ❖ 魏分其眾為三，且休且戰。會日暮風急，魏以騎負草燒軍營，康祖隨補其闕。有流矢貫康祖頸，墜馬死，餘眾不能戰，遂潰，魏人掩殺殆盡。

魏永昌王攻壽陽

- ❖ 南平王鑠使左軍行參軍王羅漢以三百人戍尉武。魏兵至，眾欲依卑林以自固，羅漢以受命居此，不去。魏人攻而擒之，鎖其頸，使三郎將掌之；羅漢夜斷三郎將首，抱鎖亡奔盱眙。
- ❖ 魏永昌王仁進逼壽陽，焚掠馬頭、鍾離；南平王鑠嬰城固守。


江夏王義恭與武陵王駿叔姪

- ❖ 魏兵在蕭城，去彭城十餘里。彭城兵雖多而食少，太尉江夏王義恭欲棄彭城南歸。
- ❖ 安北中兵參軍沈慶之以為歷城兵少食多，欲為函箱車陳，以精兵為外翼，奉二王及妃女直趨歷城；分兵配護軍蕭思話，使留守彭城。
- ❖ 太尉長史何勗欲席卷奔鬱洲，自海道還京師。
- ❖ 義恭去意已判，惟二議彌日未決。安北長史沛郡太守張暢曰：「若歷城、鬱洲有可至之理，下官敢不高贊！今城中乏食，百姓咸有走志，但以關扃嚴固，欲去莫從耳。一旦動足，則各自逃散，欲至所在，何由可得！今軍食雖寡，朝夕猶未窘罄；豈有捨萬安之術而就危亡之道！若此計必行，下官請以頸血污公馬蹄。」
- ❖ 武陵王駿謂義恭曰：「阿父既為總統，去留非所敢干，道民忝為城主，而委鎮奔逃，實無顏復奉朝廷，必與此城共其存沒，張長史言不可異也。」義恭乃止。

武陵王駿為皇三子，後即為宋武帝

魏主至彭城

- ❖ 壬子（11月26日，1885799），魏主至彭城，立氈屋於戲馬臺以望城中。
- ❖ 馬文恭之敗也，隊主蒯應沒於魏。魏主遣應至小市門求酒及甘蔗；武陵王駿與之，仍就求橐駝。
- ❖ 明日（癸丑，27日），魏主使尚書李孝伯至南門，餉義恭貂裘，餉駿橐駝及騾，且曰：「魏主致意安北，可暫出見我；我亦不攻此城，何為勞苦將士，備守如此！」
- ❖ 駿使張暢開門出見之曰：「安北致意魏主，常遲面寫，但以人臣無境外之交，恨不暫悉。備守乃邊鎮之常，悅以使之，則勞而無怨耳。」



戲馬臺與彭城

機鋒相對

- ❖ 魏主求甘橘及借博具，皆與之；復餉氈及九種鹽胡鼓。又借樂器，義恭應之曰：「受任戎行，不齎樂具。」
- ❖ 孝伯問暢：「何為忽忽閉門絕橋？」暢曰：「二王以魏主營壘未立，將士疲勞，此精甲十萬，恐輕相陵踐，故閉城耳。待休息士馬，然後共治戰場，刻日交戲。」
- ❖ 孝伯曰：「賓有禮，主則擇之。」暢曰：「昨見眾賓至門，未為有禮。」

魏主風度

- ❖ 魏主使人來言曰：「致意太尉（義恭）、安北（駿），何不遣人來至我所？彼此之情，雖不可盡，要須見我小大，知我老少，觀我為人。若諸佐不可遣，亦可使僮幹來。」
- ❖ 暢以二王命對曰：「魏主形狀才力，久為來往所具。李尚書親自銜命，不患彼此不盡，故不復遣使。」

李孝伯與張暢對答


- ❖ 孝伯又曰：「王玄謨亦常才耳，南國何意作如此任使，以致奔敗？自入此境七百餘里，主人竟不能一相拒逆。鄒山之險，君家所憑，前鋒始接，崔邪利遽藏入穴，諸將倒曳出之。魏主賜其餘生，今從在此。」
- ❖ 暢曰：「王玄謨南土偏將，不謂為才，但以之為前驅。大軍未至，河冰向合，玄謨因夜還軍，致戎馬小亂耳。崔邪利陷沒，何損於國！魏主自以數十萬眾制一崔邪利，乃足言邪！知入境七百里無相拒者，此自太尉神算，鎮軍聖略，用兵有機，不用相語。」

孝伯與暢

- ❖ 孝伯曰：「魏主當不圍此城，自帥眾軍直造瓜步。南事若辦，彭城不待圍；若其不捷，彭城亦非所須也。我今當南飲江湖以療渴耳。」
- ❖ 暢曰：「去留之事，自適彼懷。若虜馬遂得飲江，便為無復天道。」先是童謠云：「虜馬飲江水，佛狸死卯年。」故暢云然。
- ❖ 暢音容雅麗，孝伯與左右皆歎息。孝伯亦辯贍，且去，謂暢曰：「長史深自愛，相去步武，恨不執手。」暢曰：「君善自愛，冀蕩定有期，君若得還宋朝，今為相識之始。」

徐州南下之

明清驛路



西線小事

- ❖ 上起楊文德為輔國將軍，引兵自漢中西入，搖動、隴。文德宗人楊高帥陰平、平武羣氏拒之，文德擊高，斬之，陰平、平武悉平。
- ❖ 梁、南秦二州刺史劉秀之遣文德伐啖提氏，不克，執送荊州；使文德從祖兄頭戍葭蘆。
- ❖ 丁未，大赦。

魏主渡淮

- ❖ 魏主攻彭城，不克。十二月，丙辰朔（1日，1885803），引兵南下，使中書郎魯秀出廣陵，高涼王那出山陽，永昌王仁出橫江，所過無不殘滅，城邑皆望風奔潰。戊午（3日，1885805），建康纂嚴。己未（4日），魏兵至淮上。
- ❖ 上使輔國將軍臧質將萬人救彭城，至盱眙，魏主已過淮。質使冗從僕射胡崇之、積弩將軍臧澄之營東山，建威將軍毛熙祚據前浦，質營於城南。乙丑，魏燕王譚攻崇之等，三營皆敗沒，質按兵不敢救。澄之，燾之孫；熙祚，脩之之兄子也。是夕，質軍亦潰，質棄輜重器械，單將七百人赴城。

下週待續